

Edizioni

- letto 557 volte

Zai

I.

De joli cuer chanterai
? Bone amor m'an prie ?,
Et trop jolis an serai
Et sans vilonie,
Car tuit bien viennent d'amer:
Por ceu ain sans faucetei,
Ne jai por chastiemant
Mes fins cuers ne se tanrait
D'ameir jolietemant.

II.

Liez et ranvoixiez serai
Por vos, douce amie;
Sachiez, tant com je vivrai,
En vostre bailie
Voil estre sans jai sevreir:
Car ou mont n'ait vostre peir,
Et tuit bien entierement
Sont an vos: si an morrai,
Se je n'ai aligement.

III.

Belle Dame, an vos mis ai
Cuer et cors et vie,
Ne ja ne m'an pertirai,
Ceu ne dout je mie;
Mais je vos veul demandeir
Ke mesdixans escouteir
Ne voilliez à vos vivant,
Car jai frans cuers n'amerait
Vantéour ne mesdixant.

- letto 426 volte

Source URL: <https://letteraturaeuropea.let.uniroma1.it/?q=laboratorio/edizioni-81>